

### **Слава, глас 8:**

**Сёрдцем веровал еси в правду, священниче Бóжий,/ усты́ же глаголал еси во спасение: Господь быти́е мое,/ Господь избавление от вечныя смёрти,/ Господь вечный живот мой, Господь очи́щение,/ избавление и освяще́ние моё,/ Господь сила в немощи, пространство в тесноте́ моёй,/ свет во тьме, мир в смяте́нии моём./ Сла́ва Тебе, Спаси́телю мо́й,/ Си́ло Всемогу́щая, слава Тебе, Спаси́телю,/ Си́ло Вездесу́щая, сла́ва Тебе́,/ Утробо Преблагосердая, сла́ва Тебе́,/ Си́ло Присноотверзающая к молитвам моим, сла́ва Тебе́,/ Око Светлейшее, вышу на мя зрящее и вся сокровенная мо́я ви́дящее./ Темже святе Иоанне, во след тебе и мы ко Го́споду возопи́м:/ слава Тебе, Бо́же на́ш,/ дивен еси́ во Святы́х Твои́х, // дивен еси в научениих их, сла́ва Тебе́.**

### **И ныне: Догматик: глас тойже:**

**Ца́рь Небе́сный/ за человеколюбие на земли яви́ся,/ и с челове́ки поживе,/ от Де́вы бо Чистыя плоть прие́мый/ и из Нея прошедый с восприя́тием./ Един есть Сы́н, сугу́б естество́м,/ но́ не Ипостáсию./ Те́мже совершенна Того́ Бо́га/ и совершенна Человека вои́стину пропове́дающе,/ испове́дуем Христа́ Бога на́шего:/ Егоже моли, Мати Безневéстная, // помиловатися душа́м нашим.**

### **Или Предпразнства, глас тойже:**

**Восприими Вифлееме Божию Митрополию, Свет бо Незаходимый в тебе родитися приходит, ангели удивитесь на небеси, человецы прославите на земли, волсви от Персиды преславный дар принесите, пастырие свирающе, трисвятое пение сладце воспойте: всякое дыхание да хвалит Вседетеля.**

### **По входе прокимен дне и чтения 3.**

**Пророчества Иолиева чтение. Пророчества Иолиева чтение. Соборного послания Иоаннова чтение.**

## **НА ЛИТИИ, глас 2:**

**О** крепосте моя, Иисусе, Сыне Божий. О свете ума моего и мире и радости сердца моего, слава Тебе. Слава Тебе избавителю от невидимых враг моих: сице взывал еси. Тако и нас вразуми воспети всем сердцем, Господеви, Иоанне праведне, служителю Христов.

**Х**ристос вочеловечився, призва к покаянию разбойники и блудницы, и ты, пастырю милосердный, заповедь пастыреначальника исполняя, с мытари ядыше и со грешники беседоваше, вся к покаянию призывая и вся научая молитися: Боже милостив буди мне, грешному, Боже Милостиве, слава Тебе.

**Образ** Божий есте вы, сего ради храните великий образ сей, образ красоты Божия, образ безмерныя любви Его, да будете чада Отца нашего, иже на небесех, да будете святы, якоже и Отец ваш Свят есть: тако, пастырю богомудрый, паству твою учил еси, тако и сам свято пожил еси.

## **Слава, глас 1:**

**Молящся**, Духом Святым молимся, сего ради вся молитвы церковныя дыхание Духа Святаго суть и вси христиане рождение Его есмы. Прииди убо и вселися в ны, Душе Святыи, помилуй и созижди вся ны, да будем едино Тело Христово. Такова бысть непрестанная молитва твоя, предивный Иоанне, отче наш, и послуша тя Бог и помаза тя елеем радости вечныя.

## **И ныне: Богородичен, глас тойже:**

**У**тро светозарное света невечерняго зрим Тя Дево: из Тебе бо произыде иже тьму греховную разгна, Духа теплотою сердца оживив. Того прилежно молящи не престай о нас, Тебе молимся, иже истинную Богородицу исповедающи Тя.

## **Или Предпразнства, глас тойже:**

**П**риимите ясли, Егоже в купине Моисей законоположник провиде в хориве, ныне раждаема от Девы Духом Божественным. Та есть яже в законе реченная: та есть пророческая печать, яже Бога плотию тленным являющи, Емуже поклонимся.

## НА СТИХОВНЕ, ГЛАС 6:

**Отче Иоанне** преблаженне, всех Святых подражатель быв, Святую веру патриархов стяжал еси, пророков и апостолов ревность, святителей же преподобие и богомыслие, исповедников дерзновение, безсребренников безмездную помощь, преподобных подвижников непрестанную молитву, сего ради святую твою память светло празднуем.

**Стих:** Расточи, даде убогим, правда Его пребывает во век.

**Отче наш Иоанне** богомудре, страхом научен Божиим, высоты премудрости разумел еси: любовию же Христу сраспявся и свойственнейший Ему быв, последи страх любовию изгнал еси, имать бо муку страх, якоже апостол любви научил есть нас: темже, отче, верных украшал еси разумы и Бога любить стадо твое научил еси. О Иоанне, Христа Бога моли даровати и нам благодать сию и велию милость.

**Стих:** Готово сердце его уповати на Господа.

**Господь** сила сердца моего, Господь свет ума моего, Господь покой мой и радость моя, моя вера, надежда и любви. Сей есть пища моя и питье мое, одежда моя и покров. Вразуми убо и нас, Отче Святый, сия словеса Твоя разумети и в Господе полагати спасение наше, подаждь нам от благостыни Твоея, якоже Илия Елиссееви, да будет в Господе вся наша надежда и утверждение.

## Слава, глас 8:

**Не** отцы наши возвестиша нам, ниже старцы поведаша нам, сами бо видехом Тобою бываемая чудеса, сами испытахом благодать от Тебе изливаемую. Ближнии наши исцеляхуся, при кончине сущии здрави от одра возставаху, всякая прошения наша молитвою Твоею исполняхуся. Темже почитаем Тя яко угодника Божия и предстоятеля за нас пред Господем.

**И ныне: Богородичен, глас тойже:**

**П**аче всех тварей возвысилася еси, Богородице Дево, зане избра Тя в жилище Себе иже в Вышних живый, да возведет падшее естество наше, Тем Ти припадаем, яко к Матери Спаса нашего. Ты еси наша надежда, Ты еси наше упование, не отрини нас, ищущих Твоея помощи.

**Или Предпразнства, глас тойже:**

**Г**осподи, в Вифлеем пришед, и вертеп вселился еси: небо престол имея, в яслех восклонился еси: Егоже воинства окружают ангел, пастырем снишел еси: да спасеши яко благоутробен род наш, слава Тебе.

**ТРОПАРЬ, ГЛАС 4:**

**С**о апостолы изыде вещание твое в концы вселенныя, / с исповедники страдания за Христа претерпел еси, / святителем уподобился еси слова проповеданием, / с преподобными во благодати Божией просиял еси. / Сего ради вознесе Господь бездну смирения твоего превыше небес, / и дарова нам имя твое во источник предивных чудес. / Темже во Христе во веки живый, чудотворче, / любовьию милуяй сущия в бедах, слыши чада твоя, / верую тя призывающия, / Иоанне Праведне, // возлюбленный пастырю наш.

**Аще бдение: тропарь святому Иоанну дважды и "Богородице Дево": единожды. аще ни: по тропаре**

**Слава и ныне: Богородичен, Глас тойже:**

**Е**же от века утаенное, / и ангелом несведомое таинство / Тобою Богородице, сущым на земли явися, Бóg / в неслитном соединении воплощаемь, / и крест волею нас ради восприим, / имже воскресив Первозданного, // спасе от смерти души наша.

**Или Предпразнства, глас тойже:**

**Г**отовися Вифлееме, / отверзися всем Едеме, / красуйся, Евфрафе, / яко древо живота в вертепе процвете от Девы: / рай бо оная

чрево явися мысленный, / в Немже Божественный сад, / от Него же ядше, живи будем, / не якоже Адам умрем, // Христос рождается, прежде падший возставити образ.

## НА УТРЕНИ, НА «БОГ ГОСПОДЬ»

### ТРОПАРЬ, ГЛАС 4:

**С**о апостолы изыде вещание твое в концы вселенныя, / с исповедники страдания за Христа претерпел еси, / святителем уподобился еси слова проповеданием, / с преподобными во благодати Божией просиял еси. / Сего ради вознесе Господь бездну смирения твоего превыше небес, / и дарова нам имя твое во источник предивных чудес. / Темже во Христе во веки живый, чудотворче, / любовью милуй сущия в бедах, слыши чада твоя, / верою тя призывающия, / Иоанне Праведне, // возлюбленный пастырю наш. **Дважды.**

### СЛАВА И НЫНЕ: БОГОРОДИЧЕН, ГЛАС ТОЙЖЕ:

**Е**же от века утаенное, / и ангелом несведомое таинство / Тобою Богородице, сущим на земли явися, Бог / в неслитном соединении воплощаемъ, / и крест волею нас ради восприим, / имже воскресив Первозданного, // спасе от смерти души наша.

**Полиелей.**

### Величание:

**В**еличаем Тя, / Святый Праведный Отче Иоанне, / и чтем святую память твою, / ты бо молиши за нас // Христа Бога нашего.

### Псалом избранный:

**Б**лажен муж бойся Господа, / **В** заповедех Его восхощет зело. / **С**лава и богатство в дому его. / **И** правда его пребывает в век века. / **В** память вечную будет праведник. / **П**раведник яко финикс процветет, яко кедр, иже в Ливане, умножится. / **В**озвеселится праведник о Господе, и уповает на Него. / **С**е устнам моим не возбраню, Господи. / **Т**ы разумел еси правду мою и истину мою: / **И**

язы́к мой поучи́тся пра́вде Твое́й, весь день хвалé Твое́й./ Свет возсия́ пра́веднику, и пра́вым се́рдцем весе́лие./ Род пра́вых благослови́тся./ Сла́вою и че́стию венча́л еси́ его́./ Яко Ты благослови́ши пра́ведника Го́споди./ Яко ору́жием благоволе́ния венчал еси́ нас./ В ни́хже посети́ нас Восто́к с высоты́:/ Яви́тися во тме и се́ни сме́ртней седя́щим:// Напра́вити но́ги на́ша на путь ми́рен.

**Слава и ныне: Аллилуия. Трижды.**

**Прокимен, глас 4:** Священницы Твои облекутся в правду и преподобнии Твои возрадуются.

**Стих:** Помяни, Господи, Давида и всю кротость его.

**От Луки Святаго Евангелия чтение (зач.24).**

**Слава:** Молитвами святаго праведнаго Иоанна...

**И ныне:** Молитвами Богородицы:

**Помилуй мя, Боже...**

**По 50 пс. стихира, глас 6:**

Ангеле земный, друже человеков,/ органе утешителя Духа, носителю любви Христовы,/ печальниче о всем мире и уста всех верных,/ утешение печальных и скорбящих,/ заступниче гонимых,/ врачу душ и телес,/ отче и молитвеничен, святы́й праведный Иоанне,/ прииди и стани с нами,/ да вознесем вкупе с тобою хвалу и благодарение Спасителю Богу,// славное соверша́я сие́ торже́ство.

**Канон пресвятой Богородицы или Предпразнства на 6 со ирмосом и святаго на 8, егоже краестрочие:** Моя жизнь во Христе, Ему же пою во вся веки. **Катавасия по уставу.**

**Глас 4. Песнь 1.**

**Ирмос:** Моря чермную пучину невлажными стопами древнии пешествовав Израиль, крестообразными Моисеовыми руками

амаликову силу в пустыни победил есть.

**Катавасия:** Отвѣрзу уста моя,/ и напо́лнятся Духа,/ и слово отрыгну Царице Матери,/ и явлюся светло торжествуюя,// и воспою радуясь Тоя чудеса́.

### Песнь 3.

**Ирмос:** Веселитесь о Тебе Церковь Твоя Христе, Зовущи: Ты моя крепость Господи, и прибежище, и утверждение.

**Катавасия:** Твоя песнословцы Богородице,/ живый и незави́стный исто́чнице,/ лик себе совокупльшия, духовно утверди́,/ в божественней Твоей сла́ве// венцев сла́вы сподоби.

### Песнь 4:

**Ирмос:** Вознесенна Тя видевши Церковь на Кресте, Солнце праведное, ста в сине Своем, достойно взывающе: славо Силе Твоей, Господи.

### Песнь 5.

**Ирмос:** Ты Господи Мой, Свет в мир пришел еси, Свет Святый, обращай из мрачна неведения верою воспевающыя Тя.

**Катавасия:** Ужасошася вся́ческая/ о божественней сла́ве Твоёй:/ Ты бо Неискусобрачная Дѣво,/ имела еси во утробе над всеми Бо́га,/ и родила еси Безлетнаго Сы́на,/ всѣм воспева́ющим Тя// ми́р подава́ющая.

### Песнь 6:

**Ирмос:** Пожру Ти со гласом хваления, Господеви, Церковь вопиет Ти, от бесовскоия крове очищися, ради милости от ребр Твоих истекающею кровию.

**Катавасия:** Божественное сие и всечестно́е/ соверша́юще прáзднество/ богомудрии Богома́тере,/ приидите руками восплещим,// от Нея рождшагося Бо́га славим.

### Кондак, глас 4:

**О**т младенчества Богом избранный, / и во отрочестве дар учения чудесно от Него приемый, / и к пресвитерству в сонном видении преславне призван быв, / пастырь дивый Церкви Христовы явился еси, отче Иоанне, / благодати тезоимените. / Моли Христа Бога // всем нам с тобою в Царствии Божием быти.

### Песнь 7.

**Ирмос:** В печи авраамстии отроцы персидстей, любовь благочестия паче, нежели пламенем опаляеми взываху: благословен еси в Храме Славы Твоея Господи.

**Катавасия:** Не послужиша твари богомудрии / паче Создавшего, / но огненное прещение мужески поправше, / радовахуся поюще: // препетый отцев Господь и Бог благословен еси.

### Песнь 8:

**Ирмос:** Руце распростер Даниил, взов зияния в рове затче: огненную же силу угасиша, добродетелию препоясавшися, зовем: благословите вся дела Господня Господа.

**Катавасия:** Отроки благочестивыя в пещи, / Рождество Богородичо спасло есть, / тогда убо образуемое, / ныне же действующее, / вселенную всю воздвизает пети Тебе: / Господа пойте дела, // и превозносите Его во вся веки.

### Песнь 9.

**Ирмос:** Камень нерукосечный, от несекомыя горы Тебе Деве краеугольный отсенеся, Христос, совокупивый разстоящая естества. Тем веселящися Тя, Богородице, величаем.

**Катавасия:** Всяк земнородный / да възграется Духом просвещаемь, / да торжествует же безплотных умов естество, / почитающее священное торжество Богоматере, / и да вопиет: / радуйся Всеблаженная // Богородице, Чистая Приснодево.



### **Светилен:**

**В** Храме первозванного ученика Христова священнодействуя, и того апостольское служение веры ревностию подражая, делатель добрый сада Христова был еси, и яко плод мног верных ко Господу твоему привел еси, через все житие выну вещь: моя жизнь во Христе есть.

### **Слава И ныне: Богородичен:**

**И**же от Тебе рождейся, Пресвятая Дево, и от Духа Своего изливаемый на всяку плоть, освяти, прослави и прият в селения Своя верного служителя Своего, молитвеника, проповедника, еще же и пророка, с нимже не престай молящи за чтущия Тя.

### **Или Предпразнства:**

**У**красися, Вифлееме, новое жилище, ясли и вертеп, пастыре рой сонмища, волеви от востоков в него предварите, звезды светлостию: Дева бо уже Всесовершеннаго, яко Младенца в то рождает.